



# Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

№20  
(20694)



6 ақпан, сейсенбі 2024 жыл

e-mail: syrboyi@yandex.kz

www.syrboyi.kz



www.facebook.com/syrboyi.kz/



www.instagram.com/syrboyi\_kz



https://twitter.com/syrboyi



t.me/syrboyi\_kz

## ПРЕЗИДЕНТ



### ПРЕЗИДЕНТ ҮКІМЕТТІ ОТСТАВКАҒА ЖІБЕРДІ

Кеше Мемлекет басшысы Қасым-Жомарт Тоқаев «Қазақстан Республикасының Үкіметі туралы» Жарлыққа қол қойды.

**Жарлық мәтінінде былай делінген:**  
Қазақстан Республикасы Конституциясының 70-бабына сәйкес **ҚАУЛЫ ЕТЕМІН:**

1. Қазақстан Республикасы Үкіметінің орнынан түсуі қабылданды.
2. Қазақстан Республикасы Премьер-Министрі міндеттерін уақытша атқару Роман Васильевич Склярға жүктелсін.
3. Қазақстан Республикасы Үкіметінің мүшелері Үкіметтің жаңа құрамы бекітілгенге дейін өз міндеттерін атқаруды жалғастыра берсін.
4. Осы Жарлық қол қойылған күнінен бастап қолданысқа енгізіледі.

### БАСҚАРМА ТӨРАҒАСЫН ҚАБЫЛДАДЫ

Президент «Қазатомөнеркәсіп» ұлттық атом компаниясы» АҚ басқарма төрағасы Мейіржан Юсуповты қабылдады.

Мемлекет басшысына «Қазатомөнеркәсіптің» бытырғы атқарған жұмыстарының нәтижесі туралы есеп беріліп, компанияның қысқа мерзімді және орта мерзімді перспективаға арналған мақсаттары мен жоспарлары таныстырылды.

Президентке өткен жылдың қорытындысы бойынша уран өнімдерін өндіру көлемі 21 мың тоннадан, ал сату көрсеткіші 18 мың тоннадан асқаны жөнінде баяндалды. Мейіржан Юсуповтың айтуынша, 2023 жылы Транскаспий халықаралық көлік бағдары арқылы тасымалданған уран өнімдерінің үлесі айтарлықтай артқан. Қазақстаннан батыс елдеріне жөнелтілген уранның 64 пайызы осы транзит дәлізі арқылы тасымалданған.

Бұдан бөлек, Мемлекет басшысына «Қазатомөнеркәсіп» компаниялар тобы жүзеге асырып жатқан инвестициялық жобалар, сондай-ақ өндіріс орындары орналасқан өңірлерді дамытуға және қолдауға бағытталған әлеуметтік маңызы бар жобалар туралы мәлімет берілді. Сонымен қатар Президентке минералдық-шикізаттық базаны кеңейту және толықтыру жұмыстары жайында айтылды.

Кездесу соңында Қасым-Жомарт Тоқаев «Қазатомөнеркәсіп» жұмысының тиімділігін арттыру жөнінде бірқатар нақты тапсырма берді.

## ӨНІР ӨНІМІ



Кәсіп бастағанның өрісі кеңейді. Өйткені мемлекет тарапынан шағын және орта бизнеске қолайлы жағдай жасалуда. Бұл сөзімізге «Белкөл» кентінің тұрғыны Майра Ізбасқанованың жұмысы дәлел.

**Тұрар БЕКМЫРЗАЕВ,**  
«Сыр бойы»

### Сатылымда «Белкөл» сабыны

Жеке кәсіпкер «Өңірлік инвестиция орталығы» арқылы 4 млн теңге каражатқа қол жеткізіп, жұмысты сәтті жүзеге асыруда.

Өнім «Белкөл» сауда белгісімен сатылымға шықты. Бағасы – 120-160 теңге. Шығыны да айтарлықтай аз. Өйткені кір сабын жасау үшін тоң май мен сода пайдаланады. Негізгі тұтынушылары – Сырдария, Жалағаш ауданының тұрғындары. Сұраныс артып жатса, өзге өңірлерге де жібермек ниетте. Осылайша өндіріс орнын үлкейтін, қосымша жұмыс көзін арттырмақ.

– Кәсіпті 2022 жылы қолға алып, бизнес жоспарымды сәтті

қорғап шықтым. Қаражаттыма қажетті станок пен шикізат сатып алдым. Қазір сабынның екі түрін шығарып жатырмыз. Кір сабын шығаратын құрылғыны Алматыдан алдырдым. Аппарат сағатына 500 дана сабын шығаруға қауқарлы. Сапасы жақсы. Өндіріске қажетті шикізатты Тараз, Шымкент қалаларынан әкелеміз. Алдағы уақытта өндіріс орнын ұлғайтсақ деген жоспар бар, – дейді кәсіпкер.

Көтерме бағамен сатып алушылар табылып жатса, кәсіпкер бағасын түсіруге әзір. Өндіріс орнында бұдан бөлек сусабан, ыдыс жуатын сұйықтықтар шығарылуда.

## СЕССИЯ

### ӨНІР ДАМУЫНДА ӨЗГЕРІС КӨП



Кеше облыстық мәслихаттың көзектен тыс XI сессиясы өтті. Сессияға облыс әкімі Нұрлыбек Нәлібаев, облыстық мәслихат төрағасы Наурызбай Байқадамов, депутаттар, басқарма басшылары және өзге де жауапты мекеме өкілдері қатысты.

**Әділжан ҰМБЕТ,**  
«Сыр бойы»

Күн тәртібінде үш мәселе қаралды. 2024-2026 жылдарға арналған облыстық бюджетке өзгеріс енгізу туралы облыстық экономика және қаржы басқармасының басшысы Қамбарбек Мұбарқов баяндады. Ал облыстық жұмылдыру дайындығы басқармасының басшысы Марат Құрманбаев облыс әкімдігі жанындағы терроризмге қарсы облыстық комиссия құрамын бекіту шешіміне өзгерістер енгізу туралы айтты. Сондай-ақ сессияда облыс әкімі аппаратының басшысы Шахмардан Байманов «Қызылорда

облысының құрметті азаматы» атағын беру туралы хабарлама жасалды.

Бұл мәселелер бойынша сессия алдында тұрақты кеңес отырысында жан-жақты талқыланды. Осыған байланысты депутаттар дауыс беріп, нақты шешімдер қабылданды.

Сессия жұмысын қорытындылаған облыс әкімі Нұрлыбек Нәлібаев атқарылған жұмыстар мен алдағы міндеттер жөнінде айтты.

2-бет

## САРАП

### «ҚАРА ТІЗІМ» ҚАҚПАНЫ



Кейінгі жылдары халықтың несиесі еселеп артып жатыр десек, жалған сөйлегеніміз емес. Бұны статистикалық деректер арқылы оңай айғақтауға болады. Мәселен, қазір елімізде еңбекке жарамды халықтың 84 пайызының, яғни, 8,5 миллион азаматтың несиесі бар. Ал 2021 жылы бұл санатта 6,1 миллион адам болған. Аз уақытта 2,4 миллион адам қосылып отыр. Оның үстіне проблемалық несиегердің көбеюі тұтастай елдің әлеуметтік-экономикалық жағдайына теріс ықпал етуде.

**Мадияр ТӨЛЕУ,**  
«Сыр бойы»

#### НЕСІБЕНІ НЕСІЕДЕН ІЗДЕЙМІЗ БЕ?

Сонымен, ә дегеннен сандалды тізбектеуіміз бекер емес. «Халық несие камытын киіп отыр» деген сөздің жиі айтылуы бекер емесін аңғартқымыз келді. Бұл мәселе жөнінде Үкімет

сауатының төмендігі» деп тағы селкеу түсіреді.

Жоғарыда 8,5 миллион адамның несиесі барын айттық, соның ішінде 1,7 миллионы қарызын уақытылы төлей алмай жүр. 90 күннен кешіктірілген несие көлемі 1,3 триллион теңгеден асқан. Осының бәрі жағдайдың

микроқаржы секторында қарызының жалпы сомасы 98 млрд теңгені құрайтын проблемалық қарыз алушылар саны – 347 мың. Мәселенің әбден дендеп кеткенін өзіңіз болжай беріңіз.

Несие алуға байланысты елімізде түрлі жағымсыз статистика бар. Өйткенмен шындықты қабылдауға мәжбүрміз. Жақында «Қарызыз қоғам» жобасының зерттеушілері келесідей деректерді ұсынды: жобаға қатысушылардың 63,1 пайызы кредиттің пайызы мен артық төлем мөлшерін білмеген, ал 38 пайызы айлығы 70 мың теңге бола тұра, банк пен микроқаржы ұйымдарынан кемі 2 несие алған. 13,8 пайызының атында оннан астам несие болған. 58 пайызы – көпбалалы отбасылар.

– Қазақ менталитеті мен несие алудың арасындағы байланысты жоққа шығара алмаймыз. Негізгі аспектілерінің бірі – үйлену, сүндет той, бесік той мен басқа да мерекелерді, дәстүрлі рәсімдерді атап өту. Кей адамдар несие өтеуге шама-сыз жетпейтінін білсе де, абыройын түсірмес үшін алады, – деп мәлімдеген жоба жетекшілері.

Қоғамдық

## ЕЛ ЖАҒАЛЫҚТАРЫ

### Құпия құжаттар қолжетімді

Саяси қуғын-сүргін құрбандарына қатысты құпия болған құжаттар енді барлық адамға қолжетімді. Алматыдағы Президент архивінде осы уақытқа дейін 600 мың құжат болса, екі жылда жаңадан 700 мың құжат қосылған.



Фото: Аиық Әбдіқалиев

– Бұл – мемлекеттік комиссия жұмысының нәтижесі, – деді Мәжіліс депутаты Айдос Сарым. Қазір қуғын-сүргін құрбандарына қатысты ауқымды жұмыстар жүріп жатыр. Бірнеше ғылыми-зерттеу жұмыстарына қаржы бөлінген.

### Пилоттық режимде іске қосылады

Елімізде зорлық-зомбылық және буллингтен жапа шеккендерге көмек беру жөніндегі кешенді бағдарлама әзірленіп жатыр. Мүдделі мемлекеттік органдар, ғалымдар, қоғам белсенділері мен сарапшылардан тұратын жұмыс тобы бұл бағытта елде атқарылып жатқан жұмыстармен қатар, халықаралық тәжірибені де зерттеген.

Буллингке ұшыраған немесе куә болғандарды анықтау мен оларға қолдау көрсету әдістемесі қабылданған. 111 нөмірі бойынша байланыс орталығы жұмыс істеді. Әдістемеге сәйкес мамандар қысым жасаған тараппен де, буллингке ұшыраған жақпен де жұмыс жасайды. Жоба алдағы оқу жылынан бастап жүзеге асырылмақ.

### «Көшпенділер ойындарының» ауқымы кеңейді

Астана әкімдігінің хабарлауынша, 8-14 қыркүйек аралығында өтетін «Көшпенділер ойындарына» 100-ден аса елдің төрт мыңға жуық өкілі қатыспақ. Қазірдің өзінде бұл ауқымды шарға 107 мемлекет қызығушылық танытқан.



Фото: Аиық Әбдіқалиев

Ойындарды өткізу үшін елорданың 6 негізгі спорттық инфрақұрылымы бекітілді: «Астана-Арена» стадионы, Ж.Үшкөмпіров атындағы жекпе-жек сарайы, «Алау» мұз айдыны сарайы, «Қазақстан» жеңіл атлетика спорт кешені, «Думан» қонақүй кешені, «Қазанат» ипподромы.

Мәдени бағдарламаның негізгі алаңы «Қазанат» ипподромына іргелес «Көшпенділер әлемі» этноауылы болады. Ойындарды ұйымдастыруға 1000-ға жуық ерікті қатысады.

ұл Үкімет банктердің бұрынғы кредиттері жабылған азаматтарға да нәліктен несие бергенін түсінбей әлек.

Банктерді былай ысырғанда,

4-бет





